



Universitätsbibliothek Paderborn

**Vita Ioannis Berchmanni Flandro-Belgæ Religiosi
Societatis Iesv**

Cepari, Virgilio

Antverpiæ, 1630

Morbus copori eius, sed non animo quietem adimebat.

[urn:nbn:de:hbz:466:1-46083](#)

verò sentiret, quæcumque Medicorum arbitrio iuberentur, ea refocillandis instaurandisque viribus suis adhiberi medicamenta atque aromata, cuiuscumque pretij forent; religioni ducere coepit id sibi abundè superque esse, & Patri cuidam, *Meus hic*, inquit, *morbus pretiosus est*. quo respondente, eam esse Societatis solitam charitatem, protinus acquieuit. Vespere diei Mercurij pluribus eius iuuandi studio contendentibus, mandauit Rector, ut nonnullis vigilantibus, alij somnum peterent.

Morbus corpori quidem, sed non animo Ioannis quietem adimebat; quippe mens eius altam cum Deo colens pacem, ardentes idem tidem preces in cælum iaculabatur. Rogatus ergo subinde, quid gemitu tanto suspiraret, Gratias, inquit, Deo ago pro beneficio vocationis. Sacerdos quidam quarebat, an legi sibi aliquid iuberet, Caput, inquit ille, ex Aloysij historiâ, de eius morte. Cum in electionis cursu huc ventum esset, ubi narratur, nullum ab Aloysio per longinquitatem morbi, impatientis animi signum datum esse: ille ad Christum cruci affixum versus, Domine, inquit, si (quod non memini) impatientia forte peccavi, ignosce. Audito deinde, quod accepto mortis nuntio, Hymnum *Te Deum laudamus* recitasset, conatus imitari, rogauit adstan-

P. Ioanni
Gouda.

adstantes, sese ut iuuarent; adiutusque recitauit. Valetudinarius explorando venæ motu cùm proprius accessisset, quæsiuit Ioannes, ecquā valere sibi videretur. Ad terminum, inquit, appropinquamus. Tum ille, qui permisérat eo viisque Sacerdotum assistentium officio subinde se, vel ad mouendum corpusculum adiuuari, vel medicinam, vel aquam, refrigerando palato præberi, eos admonuit, sui deinceps mouendi officio abstinerent, ne, ut ipse pie interpretabatur, irregularitate se aliquā imprudentes obstringerent, maturando sibi mortem per obsequia. Mox Crucis sigillum dari sibi poposcit: quod allatum, Rosario ē collo detracto, religiosè redimiuit, (sic namque dormire solitum, suspensā ē ceruicibus coronā, suprà scripsimus.) Tum Regularum nostrarum petito libro, cùm forte vnum aliquis adferretur, à quo abesse Scholarum leges, percurrendo folia, obseruasset; alterum dari sibi flagitauit, quo leges illæ quoque continerentur. Hunc allatum, Crucis Rosarioque applicuit; ac tria hæc instar pretiosi fasciculi simul manu complexus, insolita verborum hilaritate dignissimam conscientiā suā vocem emisit: *Hæc sunt tria mihi charissima, cum his lubenter moriar.* osculatusque, pectori imponebat. Insuper rogabat adferri icunculas Cælitum omnium quas varijs

M. 5

men-

mensibus sortitus seruauerat, agglutinatas libello cuidam è chartâ virgine , e quibus subinde gnomas breuiculas prælegi sibi cupiebat. Psalmos præterea Graduales, quibus delectari videbatur, nonnumquam recitari curabat, reliquumque noctis quietè vt cumque duxit. Proximè surgendi horam , Valetudinarij curatorem compellans , Pater Rector, inquit, contendit pro viribus, ut me, beneficio Prouinciæ meæ seruatum, à Domino exoret; sed credo irritum precis suæ fore. Paulò post Rector ipse adfuit, iussitque Ioannem suam à Deo (si è maiore eius esset gloriâ) salutem flagitare. Iterum reuersus, Mi frater Ioannes, inquit, inter recitandum sacras Officij canonicæ Preces, aduerterunt mihi animum illa cuiusdam Responsorij verba, quæ quadrare in te videntur: *Puer meus, noli timere, quia ego tecum sum, dicit Dominus. Si transferis per ignem, flamma non nocebit tibi, & odor ignis non erit in te. Liberabo te de manu pessorum, & eruam te de manu fortium.* auguror probatum in te iri vaticinij veritatem. Tum ille, Ita spero, respondit; sed meritis beatissimæ Virginis: eademque secum verba reputando lexpius repetebat; ac solus cùm esset, aut à paucis circumfessus, suauissimis affectionum piarum iaculis cælum petebat, præcipue vero Deiparam hisce similibusve sententijs alloqueba-

quebatur: *Ne me deserat Maria, ne me fallas;*
filius enim tuus sum, tu scis, quia iuraui.

P. Ioannes di Lugo S. Theologiæ Professor, cùm fortè negotium quoddam Deo admodum honorificum præ manibus haberet, id Ioanni commendatum venit; adeò precibus eius fidebat.

Die Iouis manè rumore vulgatum erat, *vistantius* Ioannem de morte suâ clariùs edixisse: hinc *concurrus* magni, quâ nostrorum quâ externorum, in Collegium concursus, se suaquæ precibus illius commendantium. Etiam si enim paucis, ob exiguum rerum tractationem, huc usque notus esset, inclarerat tamen opinione singularis modestiæ innocentiaque, quâ passim sanctus audiebat. Hos inter fuit Illusterrimus Angelus Cæsi, filius Ducis d'Acqua-sparta, qui Ioannis virtutem adeò semper suscepit, ut non raro in Collegij hortum venerit, eius obseruandi caussâ, dum colloquij horâ cum alijs animum relaxaret: simulque illo se spectaculo recreandi, quo omnes, vñico campanæ signo auditio, sermonibus intermissis, silentio summo, ad suas quisque occupationes, in cubicula reuertuntur. Iam nempe id maximo illi quoque solatio erat, eum videre in illo mortis procinctu tantâ animi tranquillitate, tantâ alacritate vultûs iacente, ac si æger non fuisset; audire tam placidè loquenter